

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO**

**Stručna služba za zajedničke poslove**

Broj: 17-14-29103-32

Sarajevo; 29-12-2015 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za nabavku roba u postupku javne nabavke pod nazivom "Nabavka, isporuka i instaliranje opreme za kontrolu pristupa i evidenciju radnog vremena u Ministarstvu finansija Kantona Sarajevo (Zapisnik o pregledu i ocjeni ponuda broj: 17-14-29103-31 od 28.12.2015. godine, načelnik Stručne službe za zajedničke poslove Kantona Sarajevo, d o n o s i:

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za nabavku roba u postupku javne nabavke za nabavku, isporuku i instaliranje opreme za kontrolu pristupa i evidenciju radnog vremena u Ministarstvu finansija Kantona Sarajevo i dodjeljuje se prvoplasiranom ponuđaču **AGENCIJA ZA TEHNIČKU I FIZIČKU ZAŠTITU MIDDLE POINT ELECTRONIC d.o.o. Sarajevo**, prema dostavljenoj ponudi broj: 46/15 od 25.12.2015. godine u ukupnoj vrijednosti od 1.842,75 KM (sa PDV-om).

**Član 2.**

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom. U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

**Član 3.**

Ova odluka objavit će se na web stranici ugovornog organa, [www:http://www.sszp.ks.gov.ba](http://www.sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 17-14-29103 od 05.11.2015. godine – Nabavka, isporuka i instaliranje opreme za kontrolu pristupa i evidenciju radnog vremena u Ministarstvu finansija Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a iznosi 7.000,00 KM.

Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-7-1-60-3-25/15 dana 06.11.2015. godine u 11:43 h i Ispravka za obavještenje o nabavci broj: 1230-7-1-60-8-36/15 od 18.12.2015. godine u 11:42 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima : 1. "SWORD SECURITY" d.o.o. Sarajevo; 2. "PRO TEAM" d.o.o. Sarajevo; 3. "SCUTUM" d.o.o. Sarajevo. Rok za dostavu ponuda bio je

25.12.2015. godine do 14,00 h. Za navedenu javnu nabavku u predviđenom roku i uredno zatvorenim koverutama, dostavljene su ponude od sljedećih ponuđača:

R.br.	PONUĐAČ
1.	<b>“ECCOS INŽENJERING” d.o.o. Sarajevo</b>
2.	<b>AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo</b>
3.	<b>AGENCIJA ZA ZAŠTITU LJUDI I IMOVINE PRO TEAM d.o.o. Sarajevo</b>
4.	<b>AGENCIJA ZA ZAŠTITU LJUDI I IMOVINE “SCUTUM” d.o.o. Sarajevo</b>
5.	<b>AGENCIJA ZA ZAŠTITU LJUDI I IMOVINE SWORD SECURITY d.o.o. Sarajevo</b>
6.	<b>AGENCIJA ZA ZAŠTITU LJUDI I IMOVINE GAMA AA d.o.o. Sarajevo</b>
7.	<b>KONZORCIJ “ITD” d.o.o. Sarajevo i “ŠPICA SYSTEMS” d.o.o. Sarajevo</b>

U skladu sa Odlukom o pokretanju postupka, Komisija za nabavku roba formirana Odlukom broj: 17-05-27809 od 20.10.2015. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-29103-31 od 28.12.2015. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda sedam (7)
- da je blagovremeno zaprimljeno ukupno sedam (7) ponuda
- da nema neblagovremeno zaprimljenih ponuda
- da su ponude ponuđača AGENCIJA ZA ZAŠTITU LJUDI I IMOVINE PRO TEAM d.o.o. Sarajevo i AGENCIJA ZA ZAŠTITU LJUDI I IMOVINE “SCUTUM” d.o.o. Sarajevo formalno-pravno neispravne, iz razloga što ponuđači nisu dostavili dokaz za uslov kvalifikacije zahtijevan Tenderskom dokumentacijom članom III. Tačka 1.3. /Sposobnost obavljanja profesionalne djelatnosti – u smislu člana 46. Zakona/, odnosno nisu dostavili aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke. Ponuđači također nisu dostavili dokaze za tačku 1.4. /Ekonomska i finansijska sposobnost/ odnosno nisu dostavili obične kopije bilansa stanja i bilansa uspjeha za 2014. godinu (pozitivno poslovanje) kao prilog Izjavi po članu 47. ZJN.

Ponuđači “ECCOS INŽENJERING” d.o.o. Sarajevo, AGENCIJA ZA TEHNIČKU I FIZIČKU ZAŠTITU MIDDLE POINT ELECTRONICS d.o.o. Sarajevo, AGENCIJA ZA ZAŠTITU LJUDI I IMOVINE SWORD SECURITY d.o.o. Sarajevo, AGENCIJA ZA ZAŠTITU LJUDI I IMOVINE GAMA AA d.o.o. Sarajevo, KONZORCIJ “ITD” d.o.o. Sarajevo i “ŠPICA SYSTEMS” d.o.o. Sarajevo su dostavili formalno-pravno ispravne ponude, odnosno ispunjavaju formalno-pravne uslove za učešće u kvalifikacijama, kao i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Rang lista prihvatljivih ponuđača za postupak javne nabavke za nabavku, isporuku i instaliranje opreme za kontrolu pristupa i evidenciju radnog vremena u Ministarstvu finansija Kantona Sarajevo kako slijedi:

1	AGENCIJA ZA TEHNIČKU I FIZIČKU ZAŠTITU MIDDLE POINT ELEKTRONICS d.o.o. Sarajevo	100,00 bodova
2	AGENCIJA ZA ZAŠTITU LJUDI I IMOVINE SWORD SECURITY d.o.o. Sarajevo	58,21 bod
3	AGENCIJA ZA ZAŠTITU LJUDI I IMOVINE GAMA AA d.o.o. Sarajevo	48,82 boda
4	“ECCOS INŽENJERING” d.o.o. Sarajevo	36,52 boda
5	KONZORCIJ: “ITD” d.o.o. Sarajevo i “ŠPICA SYSTEMS” d.o.o Sarajevo	20,39 bodova

U skladu sa kriterijumom “ekonomski najpovoljnija ponuda” sa potkriterijima: cijena 70%, rok isporuke i instaliranja 20% i način plaćanja 10% , **ugovor se dodjeljuje ponuđaču AGENCIJA ZA TEHNIČKU I FIZIČKU ZAŠTITU MIDDLE POINT ELEKTRONICS d.o.o. Sarajevo u ukupnoj vrijednosti nabavke 1.842,75 KM (sa PDV-om)**. Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama (“Službeni glasnik Bosne i Hercegovine”, broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog:

1. - Zapisnik o pregledu i ocjeni ponuda broj: 17-14-29103-31 od 28.12.2015.godine

Dostaviti:

2. Svim učesnicima u postupku
3. Stručnoj službi za zajedničke poslove
4. Komisiji za nabavku roba
5. a/a